

SERMON NEVFVIESME SVR HEBR. CHAP. II. VERSET XVI.

Car certes il n'a p.15 pris les Anges, mais a pris la semence d'Abraham. Parquoy il a falla qu'il fust semblable,&c.

Laduient souuent qu'ayans veu le pourtraict d'vne personne & l'ayas trouué bon, nous nous estonnerons d'en rencontrer quelqu'autre, qui disferent du premier ne laisse pas de bien representer la personne. C'est que plusieurs pourtraicts, nonobstant quelque disserence, peuuent tous auoir l'air de la personne. Cét estonnement, mes freres, arriue souuent en l'Euangile, quand nous regardons les choses de l'ancien Israël, lesquelles ont esté des

sa grace.

Nous l'experimentons en cette Epistre aux Hebr. qui est toute pleine des sigures & pourtraicts que les anciés Hebrieux auoient eu de Iesus Christ, & par lesquelles l'Apostre dispute contre les Iuiss, d'autant qu'ils sçauoient en general qu'elles auoient esté des mysteres qui deuoient estre accomplis au Messie. Pourtant nous auons en cette Epistre à passer d'vne sigure a l'autre, & y trouuons subiect d'admirer la conuenance de chacune auec Iesus-Christ.

Celle que l'Apostre nous a mis deuant les yeux en vne bonne partie de ce chapitre second, & que nous auons

contemplée és actions precedentes, a esté ce qui se passa iadis en Egypte, lors que le premier né de chaque famille auoit à estre frappé du glaiue de l'Ange destructeur, & qu'vn Agneau fut mis en la place du premier-né. En ce pourtraiet l'Apostre nous a fair remarquer trois excellens traics & rapports à Christ; l'vn touchant la necessité de la mort de Iesus Christ: l'autre touchant la necessité de son Incarnation: & le troissesme touchant le fruict de sa mort. Ie dy touchant la necessité de la mort de Jesus-Christ, entant que l'aisné deuoit mourir pour ses freres; car lors que tous les enfans d'vne famille estoient egalement coulpables, neantmoins il n'y cut que l'aisné qui deust estre frappé de l'Ange destructeur, & porter par ce moyen la peine de toute la famille: cela monstrat cuidemment que de la famille de pieu & de tous les enfans que Dieu vouloit amener à gloire, l'aisné deuoit estre cosacré par ses souffrances pour ses freres & expier leurs pechez par sa mort. Le second traict a esté l'Incarnation de Iesus-Christ, en ces mots. Puis donc

que les enfans ont participé à la chair & au sang, luy austi semblablement a participé aux mesmes choses, afin que par la mort il destruisift celuy qui auoit l'empire de la mort. Le troissesme a esté le fruid de la mort de Iesus Christ: car comme iadis par la mort de l'Agneau (qui estoit en la place de l'aisné) la puissance de l'Ange destructeur fur destruite enuers chaque famille d'Israël, & le peuple retiré de la seruitude d'Egypte: aussi par la mort de Iesus-Christ aesté destruite la puissance de Satan, & tout le peuple fidele se trouue deliuré de tervirude & de crainte de mort. Er cela a esté contenu en ces mots, afin que par la mort il destruisst celuy qui auoit la puissance de moit à sçauoir le Diable, & qu'il deliurast tous ceux qui pour crainte de mort estoient toute leur vie assubjectis à seruitude.

Maintenant l'Apostre pour vn mesme but & mesme propos nous met deuant les yeux vn autre tableau à sçauoir le Sacrificateur esseu d'entre les ensans d'Abraham pour expier leurs pechez. Son but est de prouuer que le Christa deu estre ici bas auec infirmité.

Le moyen general par lequel l'Ap. prouue cela a esté posé cydessus, à sçau. que pieu vouloit amener plusieurs enfans à gloire, en expiat leurs pechez par les souffraces de quelqu'vn d'entr'eux. L'Ap. donc ayant prouué cela par la figure des enfans de chaque famille d'Israël deliurez en Egypte par la mort d'vn aisné: maintenant il produit pour seconde preuue l'election que Dieu anoit faite de la semence d'Abraham, de laquelle il y en auoit vn qui estoit Sacrificateur entre ses freres pour faire propitiation pour leurs pechez. Car puis que Dieu auoit pris la semence d'Abraham, & qu'il falloit que de la melme semence il y en cust vn qui fust Sacrificateur entre ses freres, de là resultoit que le Christ deuoit auoir vne nature par laquelle estant de la semence d'Abraham, & semblable à ses freres en infirmitez, il peust conuenablement exercer la charge de Sacrificateur, estat touché de compassion pour interceder pour eux. Et c'est ce que portent les mots de l'Apostre que nous vous auons lcus; Certes il n'a nullement pris les Anges, mais il a pris la semence d'Abrahams

0.

Ċ

Sermon neufuiesme sur 690 parquoy il a fallu qu'il fust semblable en toutes choses à ses freres, afin qu'il fust sounerain Sacrificateur, misericordicux, & fidele és choses qui doinent estre faites enuers Dieu, afin de faire propitiation pour les pechez du peuple : car parce qu'il a souffert en estant tenté, il est aussi puissant pour secourir ceux qui sont tentez. Par ainsi le tableau & pourtraict de Iesus Christ, que l'Apostre nous met maintenant deuant les yeux, est le fouuerain Sacrificateur de la semence d'Abraham, lequel estant en toutes choses semblableàses freres faisoit propitiation enuers Dieu pour leurs pechez & intercedoit pour eux. Or ne prenez pas seulement cecy pour vne description de conuenance & de conformité, mais pour vn argument fort & puissant, & capable de convaincre les Iuifs contre lesquels l'Apostre disputoit. Car c'est comme sil'Apostre disoit, Vous sçauez que tout ce qui est aduenuà nos Peres doit auoir sa persection & son accomplissement au Messie. Or est-il que vous voyez que, d'entre vne mesme. semence d'Abraham & dans vn mesme corps de freres, il y en auoit vn qui

estant semblable à ses freres & tenté comme eux, estoit fait Sacrificateur pour appaiser l'ire de Dieu enuers ses freres & interceder pour eux. Doncques il faut que cola s'accomplisse au Messie; & que par consequent le Messie soit de mesme nature que ses freres & ait esté subjet à leurs afflictions, pour estre par ce moyen leur Sacrificateur. capable d'auoir compassion d'eux, & faire tout ce qui doit estre fait enuers Dieu pour leur salut. Or l'Apostre parle icy en general des afflictions & rentations du Messie, & non specialement de sa mort, pource que les Iuifs ne pouuoient conceuoir & comprédre que le Messie eust deu viure icy bas dans les infirmitez & douleurs, l'ayans creu deuoir estre au dessus de rous maux pour assujectirà soy par vne parfaite prosperité tous ses ennemis. Tellement qu'il suffic à l'Apostre de prouner que le Christ avoir deu estre semblable à ses freres en infirmirez timent de douleurs. Or pour l'explieation plus particuliere des paroles de l'Apostre, nous quons à examiner deux poincts: done l'vn est, en quel sens l'A-

X x is Google

Or deuant qu'entrer en sa deduction, pesons en les mots & les expliquons. Premierement ce mot Car (Car il n'a pas pris les Anges, mais il a pris la semence d'Abraham) monstre que l'Apostre prouue ce qu'il venoit de dire; or il venoit de dire que puis que les enfans ont participé à la chair & au sang, lesus-Christ aussi a participé aux mesmes choses: Maintenant donc il rend la raison de cela, à sçauoir que Christ a pris non pas les Anges mais la semence d'Abraham. Car de là resulu'il a fallu qu'il participast à la chair

Response d'A.

Secondement, remarquez ce mos de certes, (car certes il n'a pas pris les Anges) lequel en la langue de l'Apo-

stre signific nulle part, comme si l'Apostre disoit, (il n'a nulle part pris les Anges) : c'est à dire en nulle part des Escritures il ne se trouue qu'il ait pris les Anges: paroles considerables: d'aurant que toutes les preuues que l'Apostre produit sont ou figures ou passages contenus en la parole de Dieu, toute cette epistre n'estant qu'vne contexture perpetuelle de textes ou de figures de l'Escriture: afin que vous cotinuiés à remarquer la necessité du recours aux Escritures en matiere de foy, & la perfection des Escritures. Car l'Apostre ne peut inferer qu'vne chose ne soit pas, pource qu'elle n'est en nulle part des Escritures, sinon que cette maxime soit presupposée, que l'Escriture contient tellement les choses necessairesà la foy, qu'il faut reputer vne chose n'estre point quand l'Escriture ne l'a dit point. Or si telle estoit desia la perfection des Escritures lors qu'elles ne contenoient que les escrits de Moyse & des Prophetes, combien plus grande est leur perfection & nostre adstriction à prendre d'elles tout ce que nous enfeignons, maintenant qu'elles sont ac694 Sermon neufuiesme sur creuës des escrits des Euangelistes &

Apostres?

En troisiesme lieu, il faut examiner ce que signifie ce mot prendre, qua 1 l'Apostre dit que lesus Christ n'a nulle part pris les Anges. Ordinairement on explique en ce lieu le mot de prendre, pour reuestir la nature; comme si l'Apostre disoit, Iesus-Christ n'a pas pris en sa personne la nature des Anges, mais celle d'Abraham. Mais ie n'estime pas que ce soit le droit & propre sens de ce texte: pource que cette these, que Iesus-Christ ait pris à soy nostre nature & se soit fait semblable à nous, est ce que l'Apostre veut inferer & induire de ce que Iesus Christ a pris la semence d'Abraham: veu qu'il , adiouste, parquoy il a fallu qu'il fust semblable en toutes choses à ses freres. Il faut donc que ces mots de prendre la semence d'Abraham signisser quelque autre chose que co que l'Apostre en infere. Car il ne faut iamais confondre la conclusió auec la raison & le moyen dont on la tire. le dy donc qu'icy prendre est prendre pour amener à salut, prédre pour deliurer & retirer de miseres:

s d

16

ji.

Ma raison est premieremer que le mot proprement signific empoigner & saisir, & est employé quad on prent quelqu'vn pour le rezirer du peril où il est; comme Matth. 14. lors que sain & Pierre s'enfonçant en l'eau, il est dit que Icsus Christ, estendant sa main, le prit. Et cela est selon le stile de l'Escriture, comme Pf. 18. Dien estendit sa main d'enhaut, & m'enleua, & me tira des grosses eaux: Ps. 138. Si ie chemine au milieu d'aduersité tu me viuisieras, tu estendras ta main contre l'ire de mes ennemis, & ta dextre me deliurera. Et en ce sens l'argument de l'Apostre est excellent, que Iesus Christ ayant pris pour amener à salut les enfans d'Abraham, a deu estre de mesme nature, condition, & infirmité, pour estre touché de compassion de leurs maux, & par ce moyen les deliurer. Secondement, l'Apostre venoit de parler de seruitude, regardat à la seruitude d'Egypte, & de dire que Iesus Christ par sa morta deliuré cous ceux qui pour crainte de mort estoient toute leur vie assubjectis à seruitude. Or quand Dieu tira son peuple d'Egypte, il est representé en l'Escriture Xx iiii

'n

1

Cette signification estant posée, vous auez à remarquer trois choses en ces paroles, Premierement le poids de ce mot, il a pru. Secondement ce que Iesus-Christ a pris, à sçauoir la semence d'Abraham: & en troissesme lieu ce qu'il n'a pas pris, à sçauoir les Anges.

I. POINCT.

Ce mot (comme vous venez d'entendre) ne signisse pas toute sorte de deliurance, mais vne deliurance qui se fait en saisssant & empoignant celuv qu'on deliure, pour le tirer du peril où il est. Cette maniere de deliurer, mes freres, convient sort bien à l'œuure du Seigneur envers nous, premierement entant qu'elle presuppose vne impuissance à sortir de nous mesmes de nostre misere, le mal & le peril estant si grand qu'il nous surmontoit entieremet. C'estoit yn torrent de maux, lequel nous

emportant, il a fallu qu'vne main diuine & toute puissante nous vinst saistr & retirer. C'estoit vn goussie & vnabyfme de miseres de mort & malediction, où nous estions tombez, il a fallu que la main de la grace celeste nous empoignast pour nous en deliurer; Et s'il fautietter les yeux sur l'estat des enfans d'Israel en Egypte; nous ne pouuions, non plus qu'eux, sortir de la seruitude en laquelle nous estios; il y auoit contre nous toute la puissance d'Egypte & de Pharao, & deuant nous la mer rouge, laquelle nous ne pouuions passer: c'est à dire, nous auions la puissance de Sathan, & le gouffre des Enfers au deuant de nous & à l'encontre de nous. Secondement, Celuy qui pour deliurer quelqu'vn le vient saisir & prendre par la main, se vient mettre prés de luy & dans le peril mesme. Or lesus-Christ est venu vers nous, est descendu mesmes dans le gouffre de mort & de malediction où nous estions. Entroisiesme lieu celuy qui d'vne main forte viét saisir quelqu'vn par la main pour le deliurer, vnit à soy le foible, il le ioinct à foy comme s'il n'estoit qu'vn auec luy.

)Ľ

Ιſ

700 Sermon neufuiesme sur chair & vous donerai vn cœur de chair, 700 ie mettray mon esprit au dedans de vous, & feray que vous cheminiez en mes commandemens. Car comme il est dit de Loth que quand il tardoit à sortir de Sodome, les Anges luy empoignerent la main & l'emmenerent: le Seigneur de mesme nous prend comme par la main pour nous tirer hors de la corruption & vanité de ce siecle en laquelle nos cœurs sont engagez. Et tant s'en faut, ô homme, que tu ayes preuenu le Seigneur, que c'est luy qui t'est venu saisir, aliené que tu estois de luy: si ton franc arbitre auoit preuent Iesus-Christ, tu aurois pris Iesus Christ, au lieu que l'Ap. dit que c'est Ies. Christ qui nous a pris. Et ce mot nous monstre en suite la certitude & fermeté de nostre salut : Iesus-Christ, ô fidele, t'a saisi & empoigné pour te conduire à salut, qui est ce qui te rauira de ses mains? la main de Iesus-Christ, la main de l'Eternel sera elle pas assez forte pour t'amener à son but, à sçauoir au royaume des Cieux? Le bras estendu & cette main forte dont il auoit pris son peuple pour le retirer d'Egypte, est

Hebr. ch. 2.verset 16. cette main puissante par laquelle Iesus Christ nous console en sain& Iean ch. 10. disant, Mes brebis ne perirot iamais, mon Pere qui me les a données est plus grand que tous, nul ne les rauira des mains de mon Pere, nul aussi ne les rauira de ma main. Passe, sidele, courageusement à trauers toutes sortes de difficultez, Iesus Christ te tient par la main; dy auec Dauid au Ps. 16. ie me suis tousiours proposé l'Eternel deuant moy : puis qu'il est à ma dextre ie ne seray point esbranlé: Et auec le Prophete Alaph Pl. 73. Tu m'as pris par la main droicte, tu me conduiras par ton conseil, & finalement tu me receuras en gloirc.

5.1 L

y :I

, <u>,</u>

gi Ç

101

té d e, ti

17

و ع[

[12] | (1) | (1)

.!! !!!

is e,eff

II. POINCT.

Ce que Iesus Christ a pris est la semence d'Abrahã. La semence d'Abraham pourroit se prendre pour la nature d'Abraham, comme Rom. 1. la semence de Dauid se prend pour la nature & substance de Dauid, l'Apostre disant que Iesus Christ est de la semence de Dauid selon la chair. Mais l'Escriture

Christ a pris la semence d'Abraham,

nous propose en cela le choix que vieu a fait de certains enfans pour amener à gloire selon qu'il a dit cy-dessus. Car la semence d'Abraham exprimoit vn certain corps de freres & vne certaine famille distinguée d'auec les autres familles de la terre. Et comme ainsi soit que l'Ap. parle à des Hebreux qui se glorifioient d'estre la seméce d'Abrahã, il prend pour fondement ee qui leur agreoit le plus & qu'ils posoient perpetuellement, & en recueille son but, à sçauoir que Dieu vouloit amener à salut vn corps de freres, & que celuy qui devoit estre Sacrificateur entr'eux deuoit estre de mesme nature & subjet à mesmes infirmitez qu'eux. Remarquez donc premieremét icy, que picu & voulu amener à salut vn certain corps, & que la famille & semence d'Abras ham que Dieu choisissoit iadis entre les familles de la terre estoit le type & la figure de la famille que Dieu prend dentre les hommes, & de, la distinction. qu'il fait des croyans d'auec le reste du monde: car par la fov nous sommes faits semence & enfans d'Abraham. comme l'enseigne l'Ap.Rom. 4.C'est

į(i,

ÇŢ,

vn Sacrificateur du mesme corps, est le type de la multitude des croyans. Car Dieu choisissant la semence d'un seul homme, à sçauoir d'Abraham', & prenant vn peuple vny par consanguinité, monstroit qu'il vniroit tous ceux qu'il ameneroit algloire par vne consanguinité spirituelle & par vne dependance d'vn mesme Pere: tellement qu'ils seroient vn corps de freres; selon que l'apostre dira au vers, suiuant que lesus-Christa deu estre semblable à ses freres. Pourtant remarquez premicrement, qu'Abraham entant que Pere de sa semence estoit type & figure de Dieu qui est pere de tous fideles: Ceux-cy sont ses enfans, &, s'il faut ainsi dire, sa semence, veu qu'ils sont nez de Dieu & engendrez de son Esprit: dont l'Apostre Ephes. 3. ayant appelé Dieu Pere de Iesus Christ, dit que d'iceluy toute la parenté (le mot Grec fignifie famille) est nommée au Ciele en la terre.

Secondement, icy ramanteuez vous qu'Abraham n'eut premieremet qu'Ismaël fils de la servante, & que puis apres il eut Isaac issu de la franche qui

Iesus Christ le vray Isaac que Dieu a ses enfans, & non en Adam le premier homme, l'Ismaël: Car certes ce n'est pas en Adam que nous sommes enfans de Dieu, mais en Iesus-Christ: Adam a esté mis dehors comme Ismaël, mais Christ & sa posterité sont les enfans & heritiers. Et en cecy se trouue l'analogie & le rapport des figures à la verité, qu'Ismaël estoit né d'Abraha selon la chair, mais Isaac estoir néselon l'esprir, c'est à dire seton une vertu surnaturelle. En quoy Isaac a esté figure de la regeneration que nous auos en Iesus Chr.laquelle est vne generation surnaturelle & selo l'esprit, au lieu que celle que nous auons d'Adam est de la chair & du fang: Car ceux qui ont creu en Iesus Christ ne sont point nez de sang ne de la volonté de la chair, ne de la volonté de l'homme, mais sont nez de Dieu Et comme Dieu auoit dit au 17. de Genese, ie feray deuenir Ismaël vne grande nation, il engendrera des Princes, mais i'establiray mon alliance aucc Isaac. Ainsi Adam & sa posterité ont eudiuerses benedictions temporelles, mais l'alliance de grace n'est traittée qu'en nostre Isaac qui est Iesus-Christ. Par ceste lumiere de l'Euangile, mes freres, nous voyons quelle est la famille de Dieu, & quelle la semence

Sermon neufuiesme sur

d'Abraham que Iesus Christa pris. A - mandez vous, ô hommes, & croyez à l'Euangile, & vous serez semence d'A - braham, vous aurez part à toutes les promesses de Dieu: nul n'est exelus d'estre semence d'Abraham que parincredulité, toutes nations sont inuitées à ce bonheur.

Mais quelqu'vn dira que prendre en ce texte la semence d'abraha mystiquement, à sçauoir pour les hommes croyans, semble n'estre pas chose propre pour conuzinere les Iuifs, qui ne regardoient que la semence d'Abrahã selon la chair. A cela ie respon, premierement que l'vn estioinet à l'autre. c'est à sçauoir la semence selon l'esprit à la semence selon la chair, entant que les Gentils qui ont creu ont esté in corporez & entez en la semence d'abraham, comme l'apostre l'enseigne au chap. 11. de l'Epistre aux Rom. que les Iuifs sont la racine & nous les branches; qu'ils ont esté comme vn olivier franc dont Dieu a retranché les branches naturelles par la reiection de ceux qui ont esté incredules entr'eux, & que les Gentils qui estoient l'olivier

Sermon neufuiesme sur

710 Galat.3. que la benediction d'abraham aduient aux Gentils par Iesus-Christ, en ce que nous receuons la promesse de l'Esprit par la foy. Secondement, ie respon que l'apostre dispute en ce lieu par l'accomplissement des figures anciennes sur la maxime recognue par les Iuifs, que toutes les choses adue. nuës'à leurs peres estoient mysterieuses & devoient avoir leur accomplissemet au Messie: de là donc il s'ensuiuoit que la figure d'Abraham selon la chair estoit figure d'vne semence selon l'esprit que Dieu adopteroit par le Messie. D'où en apres resultera que cette semence selon l'Esprie qui sont les hommes croyans, ont vn frere de mesme nature qu'eux qui est leur sacrificateur en-uers Dieu, comme iadis la semence d'Abraham selon la chair auoit vn de ses freres souverain Sacrificateur: & ainsi s'ensuiura de necessité ce que l'Apostre veut prouuer, à sçauoir que puis que ces hommes croyans, qui sont enfans de Dieu & d'abraham, participent à la chair & au sang, Iesus-Christ aussi a deu participer à ces choses pour estre semblable à ses freres & pour ein.

164 164

715

مور به دارا

rt

en

vni,

1

10:15

, ≤5 ,

100

1015

III. POINCT.

Or cela estant ainsi consideré, il nous est aisé d'entendre pourquoy l'apostre oppose la semence d'Abraham, c'est à dire les hommes croyans aux anges,& dit que Iesus-Christ n'a pas pris les Anges, mais la semence d'Abraham. On pourroit estimer que l'apostre parleici des anges qui estoient cheus, lesquels Iclus-Christ n'a pas pris, c'està diren'a pas deliurez. Mais si on considere toute cette Epistre dés le commencement iusqu'à present & iusqu'à la fin;on trouuera que l'apostre par le mot d'anges entend tousiours les bons Anges, come au chap, premier Christ a esté fait d'autant plus excellent que les Anges, qu'il a obtenu vn nom plus excellent par dessus; car auquel des Anges a il onques dit, tu és mon fils; Item, que tous les Anges de Dieu l'adorent: Item: auquel des Anges a-il onques dir, Sieds toy à ma dextre, iusqu'à tant que l'aye mis tes ennemis pour marchepied de tes pieds: ne sont ils pas tous esprits Yy iiij

le monstre clairement au 3. de l'Epistre aux Ephes, quand il dit que la sa-

pience de Dieu diuerse en toutes sortes

a esté donnée à cognoistre aux principautez & puissances qui sont és lieux celestes par l'Eglise: mais ce n'est pas parmaniere de redemption & de salut, ny d'expiation de pechez, mais seulement par maniere d'accroissement de faueur & de liberalité envers eux Aussi ne nions nous pas que Ief Christ n'ait esté constitué chef de toute principauté & puissance, comme le dit l'apostre au 2. de l'Ep. aux Coloss. & qu'estant monté à la dextre du Pere il ne les ait pris entant que Mediateur comme esprits administrateurs pour scruir ici bas aux fideles. Mais en ce texte il s'agic de prendre en deliurant de perdition & expiant les pechez par vne sacrisicature, de quoy les Anges n'ont pas eu besoin, & pourtant lesus Christ n'a pas deu estre leur frere semblable à eux. Or ce n'est pas sans raison que l'apostre parle icy des anges, selon qu'il en a desia parlé frequemment. C'est que les Iuifs de son temps se rendoient fort superstitieux enuers les anges, & leur attribuoient plus d'honneur qu'il ne falloit: contre quoy l'apostre a dit cy-dessus que Dieu n'a point assub-

Sermon neufuiesme sur jetty aux Anges le monde à venir. Il monstre donc icy que Iesus Christ n'a pas pris les Anges mais la semence d'Abraham, afin que les poures brebis peries de la maison d'Israël cerchassent leur salut non és Anges & en leur vertu & intercession, mais en Iesus-Christ le seul Mediateur qui les auoit prises & deliurées. Come de fait nous disons encor autourd'huy à nos Aduerfaires, Pourquoy metrez-vous les anges comme intercesseurs entre lesus-Christ & nous? Icsus-Christ nous a pris & non eux, & ne les a point mis entre luy & nous : c'est pourquoy l'Apostre au 2. de l'Ep. aux Coloss. dit de ceux qui establissoient le service & inuocation des Anges, qu'ils ne retenoient point le chef: car ce n'est pas retenit Iesus-Christ comme chef que de n'aller pas à luy immediatement. D'abondant l'apostre parle de la sorte, asin que les Iuifs ne s'imaginassent pas que le Mediateur deust auoir quelque nature angelique pour faire les exploicts qu'ils attendoient de luy : l'apostre doc monstre que ceux dont ce Messie entreprenoit la redemption & dont il deuoit estre frere pour expier leurs pechez, estoient la semence d'Abraham; & que par cosequent il n'a deu ioindre à sa nature diuine, autre nature que l'humaine tellequ'elle est en la semeco d'Abraham; Or le téps ne nous permet pas de passer à l'exposition de la suitte dupropos de l'Apostre; c'est pourquoy nous la laisserons pour la suiuante action.

Maintenant pour la fin repassons sur nostre propos, Et premierement de ce que nous auons veu que Dicu nous est comme venu prendre par la main pour nous tirer de nostre perdition, recognoissons nostre misere pour celebrer la misericorde de Dieu. Nous perissions & il a enuoyé Iesus-Christ qui nous a pris & recoux du peril. Ce ne sommes point nous qui l'auons esleu & aimé le premier, i c'est luy qui nous a aimez & nous a pris & tirez a foy, & a donné son fils pour propiziation pour nos pechez. Quel ressentiment, mes freres, faut il que nous ayions de ceste charité? David disoit iadis que Dicu auoit deliuré son ame de la mort, ses yeux de pleur, & ses

pieds de trebuschement, & que pourtant il aimeroit le Seigneur & chemineroit en sa presence en la terre des viuans; ne tiendrons-nous pas ce langage pour vne si grande redemption que celle dont nous parlons?

Et si Iesus-Christ, ô Chrestien, t'a pris par la main pour te tirerde la mort, maintenant voudrois, tu secoüer & quitter cette main salutaire, pour coutir à trauers champs, & retourner par les vices & pechez dans les sentiers de mort & perdition? Voudrois tu quo cette main laquelle t'a empoigné pour te sauuer te quittast à l'abandon de tes conuoitises & propres volontez? Ains assubjetty toy à elle, & si le monde te veut attirer à soy, di que Iesus Christ t'a pris par la main, que tu ne le quitteras point.

ladis Leu prit son peuple comme par la main pour les mener d'Egypte en Canaan par le desert: Vous, mes freres, il vous a pris pour vous mener en vne Canaam celeste, infinimét plus excellente que celle de iadis. Si vous passez ce desert parmy des serpens & dragons, au trauers de diuerses difficultez, consolez-vous en la vertu & sagesse de celuy qui vous conduit: sa grace & sa vertu vous rendra plus que

vainqueurs.

Et si le Seigneur nous a pris en nos miscres pour nous en deliurer, sommes-nous pas obligez maintenant de tendre la main aux affligez pour les retirer de quelque mal que ce soit? Vous donc qui estes insensibles aux maux de vos prochains, regardez ce que pieu a sait enuers vous, & voyez le vous tédant sa main secourable, & vous vous sentirez confus en vos desauts de charité.

Et si le Seigneur nous a pris & saisis dans nostre misere & corruption, faut-il pas, mes freres, que nous le monstrions par nostre conversation? Dis tu que le Seigneur t'a pris & saiss de la main de sa grace toy qui és encor dans le bourbier du vice & du peché? Sa main seroit elle, ou si foible que de n'auoir peu te retirer de l'iniquité, ou participante des souilleures, pour les supporter?

Et puis que l'Apostre nous a parlé de la semence d'Abraham pour rapporter tout cela à Christ & aux croyas; chouyssons nous és aduatages de cette semence. Premierement, à elle appartenoit la terre de Canaan. Secondement, elle estoit franche & libre, & estoit opposée à la semence d'Agar la seruante: Nous aussi, mes freres, comme la vraye semence d'Abraham auons droict à la vraye Canaan, à sçauoir au Royaume des cieux: nous auons aussi non l'esprit de seruitude de la montagne de Sinaï qui est agar comme il est dit au 4.de l'Ep, aux Gal. mais nous auons l'esprit d'adoption, comme estans de la Ierusalem d'enhaut qui est franche, laquelle est mere de nous tous. La semence d'abraham devoit receuoir toute benediction; & nous sommes ceux que Dieu a benits de toute benediction spirituelle és lieux celestes en Iests Christ, comme dit l'Ap. Ephes. 1. Bref la semence d'Abraham auoit cét aduantage (qui est le supreme) que Dieu estoit son Dieu, le seray ton Dieu, auoit il dit à Abraham, & le Dieu de ta semence. Essouyssez vous donc, mes freres, que Dieu est vostre Dieu; & vous appliquez, dans

719

vos maux & vos necessitez, ce que Dieu auoit dit à Abraham, Abraham ne crain point ie seray ton bouclier &

ton loyer tres grand.

Mais aussi considerez que Dieu dit à Abraham, chemine deuant moy & & sois entier: Si nous ne cheminens deuant Dieu & en integrité, nous ne sommes point semence d'Abraham. Pourtant, mes freres, mettons-nous icy deuant les yeux les vertus & actios de ce Pere pour redarguer nos pechés. Premierement Abraha quitta son païs & son parentage à la vocation de Dieu & partit ne scachant où il alloit: sommes nous doc enfans d'Abraham, nous qui nous dessions tant de la prouidence de Dieu, & qui sommes si souuent rebelles à la parole & vocatio de pieu: secondemer Abraham demeura comme estranger en la terre promise comme si elle ne luy eust point appartenu, habitant en des tentes auec Isaac & Ia. cob heritiers auec luyde la mesme promesse, & l'Apostre au chap. 11. aux Hebr. dit qu'il attendoit la cité qui a fondement de laquelle Dieu est l'architecte & le bastisseur. Et comment

Sermon neufuiesme sit sommes nous semence d'Abraha nous qui auons nos cœurs tant engagez àce monde, & si peu esseuez à la cité celeste? Abraham creut à Dieu & espera outre esperance; & nous perdos courage en nos aduersitez, & sommes incredules aux promesses de Dieu les plus expresses. La foy d'Abraham ne fut point vne foy morte, mais, viue, verifiée par œuures lors qu'il offrit son fils Isac: & pourquoy precendos nous la pluspart que nostre foy qui est morte & sans œuures, soit agreable à Dieu? Nous dirons done autourd'huy encor sous le nouueau Testament, il y a des enfans d'Abraham selon la chair qui ne sont point enfant d'Abraham selon l'esprit, c'est à dire qui sont eufans d'Abraham quant à la profession exterieurede la foy, mais non quant à la verité interieure de la regeneration: & pourtant s'adresse à nous amourd'huy ce que lesus Christ disoit aux Iuifs au 8. l'Eu., selon S. Ican, Si vous estiez enfans d'Abraha vous feriez les œuures d'Abraham. Failons donc, mes freres, les œuures d'Abraham afin d'auoir la foyd'Abraham, & Dieu nous impute-

Heb. ch. 2. verset 16. ranostre foy à iustice comme à Abraham. Et nous aurons ceste consolation qu'estans enfans d'Abraham, nous serons recueillis au sortir de cette vie au sein d'Abraham & serons auec plufleurs autres renus d'Otient & d'Occident, assis à table auec Abraham, Isaas, & lacob au Royaume des cieux, com. me nous l'a promis Ielus Christ nostre Seigneur. AinsMoit il.

and the state of t

The state of the s

step and the state of the state

• or proceed and proceed of the second of th

g spipered Lancits a sto-

and the second of the second of the second